

فريق تفریغ
م. علاء حامد

دراسة عقيدة المسلم


7

شرح كتاب
أصول الإيمان

م. علاء حامد



كتاب
أصول الإيمان
في ضوء الكتاب والسنة
إعداد
مُجْتَمَعِ الْعُلَمَاءِ
الدار العالمية
للنشر والتوزيع



**الحمد لله وأشهد أن لا إله إلا الله وحده لا شريك له و أشهد أن
محمدا عبده ورسوله صل الله عليه وسلم أما بعد:**

فنحن بإذن الله تعالى مع **الدرس السابع** من دروس العقيدة مدارس عقيدة أهل السنة والجماعة من كتاب أصول الإيمان هذا الكتاب الطيب الميسر, المرة الماضية كنا تكلمنا في مسألة خطيرة مسألة هامة وهي مسألة القبور وما حولها من مسائل مثل مسألة ماذا يفعل عند القبور وما هو المشروع عند **زيارة القبور وما هو الممنوع عند زيارة القبور وحكم بناء المساجد على القبور وحكم الصلاة الى القبر وحكم الصلاة في مسجد به قبر** وكانت هي مسائل هامة بل هي تكاد تكون من أخطر مسائل العقيدة لأن عامة الشرك إنما وقع بسبب هذا الغل وهذه المخالفة الصريحة للنبي عليه الصلاة والسلام ثم **انتقلنا إلى** مسألة أخرى مسألة مهمه للغاية مسألة التوسل

لا شك ان مسألة القبور والتوسل هم من أخطر مسائل العقيدة خاصة في موضوع صرف العبادة لغير الله تعالى

دول من أكبر بابين يقع فيهم الشرك ..التوسل وشرك **القبور** , قولنا التوسل معناه جاي من كلمة الوسيلة ، والوسيلة هي القربة فالتوصل هو التقرب فلما نقول إن الإنسان ينبغي أن يطلب الوسيلة الى الله نقصد بذلك ان يطلب القربة الى الله وليس المقصود بالوسيلة **الواسطة** فلا يوجد **واسطة** بين الله وبين عباده " **يَا أَيُّهَا الَّذِينَ آمَنُوا اتَّقُوا اللَّهَ وَابْتَغُوا إِلَيْهِ الْوَسِيلَةَ وَجَاهِدُوا فِي سَبِيلِهِ لَعَلَّكُمْ تُفْلِحُونَ** " فالمقصود ابتغوا إليه الوسيلة يعني القربة ما يقربكم منه سبحانه وتعالى , وقال جل في علاه " **أُولَئِكَ الَّذِينَ يَدْعُونَ يَبْتَغُونَ إِلَى رَبِّهِمُ الْوَسِيلَةَ أَيُّهُمْ أَقْرَبُ وَيَرْجُونَ رَحْمَتَهُ وَيَخَافُونَ عَذَابَهُ إِنَّ عَذَابَ رَبِّكَ كَانَ مَحْذُورًا** " يعني هؤلاء الذين يدعوهم هؤلاء الجهال من الملائكة , من **المقبورين** , من الاولياء , من الانبياء , هم انفسهم يبتغون الي ربهم القربة هم أفقر ما يكون وهم فقراء إلى الله كما أنتم فقراء إلى الله فلماذا يلجأ الفقير إلى الفقير لماذا لا يلجأ إلى الغني مباشرة ..ما الحاجه ان تجعل بينك وبين الله **(واسطة)** " **وَإِذَا سَأَلَكَ عِبَادِي عَنِّي فَإِنِّي قَرِيبٌ أُجِيبُ دَعْوَةَ الدَّاعِ إِذَا دَعَانِ** " وهذه الآية من الآيات الجميلة التي لم يذكر فيها عادة القرآن في إجابة الناس لما مثلا قال

"{يَسْأَلُونَكَ عَنِ الْأَهْلِ قُلْ هِيَ مَوْقِيتٌ لِلنَّاسِ وَالْحَجَّ} "

"{يَسْأَلُونَكَ عَنِ الْخَمْرِ وَالْمَيْسِرِ قُلْ فِيهِمَا إِثْمٌ كَبِيرٌ} "

"{يَسْأَلُونَكَ مَاذَا يُنفِقُونَ قُلْ مَا أَنْفَقْتُ}

ولما جاء قول تعالى **واذا سألك عبادي عني** لم يقل قل انما **قال فإني قريب** .. حتى في الاجابة لم يجعل **واسطه** بينه وبين العباد ليبين أن هذا الأمر خصوصاً ينبغي انك لا تحتاج إلى **واسطه** حتى الاجابة نفسها توضحك مفيش **واسطه** حتى مقالش النبي عليه الصلاة والسلام قل لهم إني قريب لا قالك الاجابة بنفسه جل وعلا ليقرب لهم حتى المعنى فإني قريب أجيب دعوة الداعي اذا دعان يبقى الإنسان لا يحتاج لكى يتقرب الى الله **واسطه** ولا أحد بينه وبين الله فنحن لسنا **(كالنصارى)** لسنا كاليهود كهؤلاء **(الجهال)** نحتاج الى **(قس)** اعتراف مثلاً او نحتاج الى رجل دين بيننا وبين الله لا انما نحن نتعلم من رجال الدين نعم لكن لا نجعلهم **واسطه** بيننا وبين الله ولا حتى الأنبياء , قال تعالى " **وَمَا مُحَمَّدٌ إِلَّا رَسُولٌ قَدْ خَلَتْ مِنْ قَبْلِهِ الرُّسُلُ أَفَإِنْ مَاتَ أَوْ قُتِلَ انْقَلَبْتُمْ عَلَى أَعْقَابِكُمْ** " ماذا تصنع انت إذا مات النبي عليه الصلاة والسلام واضح ! بعض من يتوسل بالنبي عليه الصلاة والسلام قال الله تعالى " **وَمَا أَرْسَلْنَا مِنْ رَّسُولٍ إِلَّا لِيُطَاعَ بِإِذْنِ اللَّهِ وَلَوْ أَنَّهُمْ إِذْ ظَلَمُوا أَنْفُسَهُمْ جَاءُوكَ فَاسْتَغْفَرُوا اللَّهَ وَاسْتَغْفَرَ لَهُمُ الرَّسُولُ لَوَجَدُوا اللَّهَ تَوَّابًا رَحِيمًا** " فيستدلون بهذا الآية على التوسل بالنبي عليه الصلاة والسلام نقول **هذا من جهلكم** لأن الآية فيها دليل عليكم وليس لكم لأن الآية لو كان التوسل بالنبي عليه الصلاة والسلام بجاه يبقى بلاش معنى قوله تعالى جاؤك يبقى هذا الأمر يحتاج إلى حي والمقصود هنا جاؤك فطلبوا منك ان تستغفر لهم وهذا جائز كما قلنا في التوسل مشروع فاستغفروا الله قال واستغفر لهم الرسول لوجدوا الله **(تواباً) رحيماً** بعد ما مات النبي عليه الصلاة والسلام لم يفعل أحد من الصحابة هذا الامر

الشاهد أن التوسل على نوعين : هناك توسل مشروع وهناك توسل ممنوع ، يعنى انا دلوقتي عايز اتقرب لربنا اتقرب اليه خاصة في قضية الدعاء دى مسألة من أهم مسائل القربة لأن دى دايماً بيقع فيها العك مسألة **(ازاي)** أقرب لربنا انا عايز مثلاً اتقرب الى الله احنا عندنا قولنا توسل بمعناه العام وفي توسل في موضوع الدعاء بالذات .. بمعناه العام كل مايقربك إلى الله هيدخل فيه كل الطاعات وترك كل المحرمات كل ده اسمه توسل لأن أنا بصلى ليه ؟ عشان اقرب لربنا واسجد واقترب انا بصوم ليه انا بغض بصرى ليه انا مياكلش حرام ليه كل ده ليه هدف واحد ان انت تقترب من الله سبحانه وتعالى

فكل فعل طاعات **هو وسيلة كل ترك للمحرمات** هو وسيلة أى حاجه بتعملها ربنا بيحبها هى وسيلة فلذلك الوسيلة اللى هى القربة من الله فى وسيلة واجبه الوسيلة الواجبة هى التوسل الواجب هو كل الواجبات وترك كل المحرمات ده يجب على كل انسان ان يتوسل الى الله بهذا الشئ بفعل الواجبات وترك المحرمات هناك توسل مستحب وهو فعل المستحبات وترك المكروهات.

يبقى لنا المسألة الخاصة ديه اللى هى التوسل فى الدعاء قولنا التوسل فى الدعاء ليه ثلاث انواع مشروعه وثلاث انواع ممنوعه .. الثلاث انواع المشروعه قولنا

(الأولى) ان تجعل فى دعائك فى مقدمة الدعاء مقدمة من الأسماء والصفات ان انت تقدم بين يدي الدعاء ثناء على الله جل وعلا لا تعجل فى الدعاء انت اذا دخلت على ملك او دخلت على رجل عظيم فإنك لا تبدأ بالسؤال مباشرة انما تقدم بين يدي ذلك مقدمه من الالقاب ومن الثناء والمديح حتى يكون يعنى سؤلك اقرب إليه لكن لو دخلت على طول (وقلت له) عاوز كذا يقولك اطلع بره مش كده ؟ فالله سبحانه وتعالى يحب عبده اذا سأله ان يقدم بين يدي ذلك ثناء يكون هذا اقرب الى اجابة الدعاء وهذا ورد كثير عن النبى عليه الصلاه والسلام واتكلمنا عنه فى المرة الماضية باستفاضة

.. الوسيلة الثانية المسموح بيها او المطلوبة هى ان يتوسل الإنسان بالعمل الصالح يعنى بين يدي الدعاء يقدم عملا صالحا مش يعمله لا يحكيه يقوله يعنى عمل صالح بينه وبين الله ويظن ان العمل ده يعنى من أرجى أعماله عند الله سبحانه وتعالى خاصة الأعمال الخفية دى بالذات لازم يكون عندك عدة من الأعمال الخفية لأن هى دى أرجى أعمالك عند الله سبحانه وتعالى ..

الأعمال التى لايعرفها أحد الاعمال التى ما كان هناك دافع انك تعملها إلا وجه الله سبحانه وتعالى لذلك تجد مثلا بلال رضى الله عنه وأرضاه لما دخل النبى عليه الصلاة والسلام الجنة فى رحلته الشهيرة نزل قال يا بلال أخبرنى عن أرجى عمل عملته فى (الإسلام) فإنى سمعتُ دفْ نعليك بين يدي فى الجنة يعنى انا سمعت دف نعليك قدامى فى الجنة طبعاً قدامه مش معناه افضل منه قطعاً لكن هذا مقام المؤذن بين يدي الإمام دائماً أن المؤذن يكون دائماً امام الإمام فكان مقام بلال مقام المؤذن امام النبى عليه الصلاة والسلام يعنى او تكون خطواته يسمعها النبى أمامه فى الجنة

المهم قاله ايه هو العمل اللي بقى الجامد اوى اللي انت عملته عشان توصل للمنزله دى طبعا اى واحد فينا لو **(قلنا)** ماهو ارجى عمل لبلاى كل واحد فينا هيقول الاذان واحد هيقول **التعذيب الرهيب** اللي حصله فى مكة ده والقصة الشهيرة التعذيب والصخرة ويحرقوا جلده عندك الف حاجة تقولها كلها مشهورة لكن بلاى لا يذكر الاذان ولا يذكر التعذيب ولا يذكر مكة ولا يذكر الابتلاء انما قال ما أحدثت فى ليل او نهار إلا توضأت لهذا الحدث وما توضأت فى ليل او نهار الا صليت بعد هذا الوضوء ركعتين هو ده ارجى عمل عند بلاى ده ارجى عمل عنده ليه ؟ طب مقالش ليه الاذان مقالش ليه التعذيب فى مكة ؟ لعله شاف الحاجات دى قدام الناس دى كل الناس **(عارفاها)** ويمكن يخشلى الشيطان فيها لكن دى حاجة بعملها محدش يعرف عنها حاجة خالص بأحدث بتوضى وأصلى ركعتين ولا حد حاسس بيا ولا حد عارف انا بعمل ايه طبعا هتقول ده عمل بسيط جدا وعمل ساهل وأي حد ممكن يعمل **لكن** بلاى شايف ان ده أخلص عمل بينه وبين الله فانا عايزك لما نتكلم فى التوسل متاخدهاش مسألة عقيدية وخلص اللي هو توسل مشروع واحد اثنين تلاته التوسل ممنوع اثنين تلاته حافظ وايه مبتعملش حاجة انت لازم يترتب على ذلك عمل انت لو اتزنت لو احتاجت تتوسل بعمل عندك ايه تتوسل بيه حاجة مميزة مش حاجة كل الناس بتعملها حاجة كده خاصة بينك وبين الله لا يعرفها احد شيء مميز جدا **(لذلك)** النبى عليه الصلاة والسلام مثلا لما ذكر السبعة الذين يظلمهم الله قال رجل ذكر الله خاليا ففاضت عيناه .. قال رجل **(دعته) (امراة)** ذات مال وجمال فقال لا انى أخاف الله ...

الصبر هو فن التمسك بالأمل
فأصبر

حاجات ملهاش داعى يعنى ايه اللي يخليك تبكى وانت خالي يعنى الا خوف من الله .. ايه اللي يخلي امرأه تدعوك وهى ذات منصب وجمال ومش هتفضحك ولا حد هيشوفك ايه اللي يخليك تسبها الا ان يكون عمل ده عمل فعلا عظيم فعلا عملته الله .. لذلك التلاتة اللي اتوسلوا فى قصة أصحاب الغار ذكروا كلهم اعمال خفيه تقريبا لا يعلمها احد واحد ابوه وامه نايمين اصلا وعياله صغيرين ولا حد شايفه ولا حاجة يقف طول الليل ماسك اللبن عشان راجع متأخر شوية المفروض يشربه قبل ما يناموا ف هو رجع متأخر شوية فناموا فراجع ماسك اللبن وقعد طول الليل ماسك اللبن عياله يعيطوا مش عايز يديهم ولا هو يشرب لا أبويا وأمى يشربو الأول لغاية ما صحبوا لوحدهم مصحهماش شربهم الاول وبعدين شرب اولاده هو ده العمل اللي بيتوسل بيه فى الغار وفعلا الصخرة انزاحت ,

واحد تانى كان هيزنى ببنت عمه وخلص قعد معاها زى ما بيقد الرجل مع مراته فلما جات اللحظة دى قالت اتقى الله ولا تفض الخاتم الا بحقه قال فقامت عنها وهى احب الناس إلى , الرجل الثالث واحد جاله اجير اشتغل عنده نسي ياخذ فلوسه ومشى بعد سنين رجعله قاله عايز فلوسى قاله شايف كل اللى شايفه قدامك دى الأغنام و الحاجات دى فلوسك قاله انت بتستهزأ بيا ! قاله لا انا شلتهاك وشغلتهاك وهى بقيت كده سبحان الله ففعلا اخدها ومشى ايه اللى يخليه يعمل كده مهو ممكن يديله فلوسه وخلص ماهى دى الأعمال اللى احنا عايزين نستعد بيها للأزمات انت بيجيلك أزمة مادية بيجيلك أزمة فى بيتك بيجيلك ازمه فى اولادك بيجيلك مشكلة فى الشغل عاوز تدعى ربنا وتخلى الدعاء ده قوي جدا هتتوسل بالأسماء والصفات وبعد كده هتقول يارب ان كان هذا العمل كذا وكذا خالص لوجهك فافرج عنى ما انا فيه " رَبَّنَا ءَامَنَّا بِمَا أُنزِلَتْ وَاتَّبَعْنَا الرَّسُولَ فَاكْتُبْنَا مَعَ الشَّاهِدِينَ " ، التوسل الأخير اللى قولنا عليه هو التوسل بدعاء الرجل الصالح وهذا توسل يخلى الدعاء ارجى ان انت تأتى الى رجل صالح وتخليه هو يدعيلك وهذا مشروع فى قول أبناء يعقوب لأبيهم " قَالُوا يَا أَبَانَا اسْتَغْفِرْ لَنَا ذُنُوبَنَا إِنَّا كُنَّا خَاطِئِينَ " وكان رجل يأتى للنبي عليه الصلاة والسلام يسأله ان يستغفر له والأدلة على ذلك كثيره ومشهورة ولكن يفضل ان يكون هذا الدعاء فى أمور الآخرة ، هذا هو الأولى

الأولى أن يكون هذا الدعاء فى أمور الآخرة وليس من الأولى ان تتشغل عندما تلقى رجل صالح ان تجعله يدعو لك فى امور الدنيا انما هذه فرصة فلا تضيعها فاطلب منه ان يدعو لك فى امور الآخرة هذه هو الأفضل والأولى واذا طلب الإنسان من رجل صالح الدعاء فى امور الدنيا لا بأس ليس بحرام ولكن ترك الأفضل هذا بيسموه دون الأولى ليه ؟ لان النبي عليه الصلاة والسلام لما جاءته المرأة قالت إني أصرع وإنى اتكشفت فادعوا الله لى قال ان شئت دعوت الله لك و ان شئت (صبرت) و لك الجنة اذا هى دلوقتى بتطلب دلوقتى امر ايه دنيوى ولا اخروى ؟ دنيوى هى بيجلها صرع أمر دنيوى عادى هخف منه فبيقولها طيب لو عاوزة ادعيلك للموضوع ده مفيش مشكلة بس الأفضل انى مدعلكيش وتصبرى ولكى الجنة . قالت أصبر ولي الجنة ولكن ادعوا الله لى ألا اتكشف فدعى لها ..اشمعنا المرة الثانية مخيرهاش لان الثانية دى كانت ف دعاء ايه امر اخروى انها بتتكشف والتكشف ده مش امر دنيوى التكشف ده يعنى حرام هى اه (معذورة)

انها بيجلها صرع لكن ده امر اخروى تاخذ عليه ثواب وعقاب وكده فلم يتردد عليه الصلاة والسلام ان (يدعو) لها الا تتكشف ,

لكن خيرها لما قالتله الصرع لكن لما قالتله على التكشف مخيرهاش (دعى لها) على طول لذلك لما عكاشة رضى الله عنه قال للنبي عليه الصلاة والسلام فى حديث التوكل قال: "ادعوا الله لى ان اكون منهم من السبعين الف الذين يدخلو الجنة بغير حساب قال انت منهم " ده نوع دعوة من النبي عليه الصلاة والسلام لعكاشه فطلب عكاشه من النبي عليه الصلاة والسلام ان يدعوا له فلم يخيره عليه الصلاة والسلام ؟ اذا الدعاء الانسان اذا طلب من رجل صالح فليكن الأفضل أن يطلب منه فى أمور اخروية ادعيلى اخش الجنة , ادعيلى ربنا يهدينى للصالح , او يطلب منه امر دنيوي هو يريد به الجنة مثلا ادعيلى أتزوج زوجة صالحة تُعنى على دينى هذا امر ليس دنيوى لكن ادعيلى اتزوج وخلص ده امر دنيوى لكن اذا كان عنده نية فى الامر الدنيوى ده نية تخدم الآخره فلا بأس وزى ماقولنا مش غلط اطلب اى دعاء من اى رجل صالح احنا بنعلمكم الأفضل ايه

ولكن طلب الامور الدنيوية لا بأس بها ليه بنقول الامور الدنيوية دون الاولى لأن الامور الدنيوية دائما تحتل وجهين تحتل وجه شر ووجه خير ادعيلى اتجوز فلانه مثلا طب ايش عرفك فلانه دى خير ولا شر ليك مش كده ؟

ادعيلى اجيب العربية الفلانيه ما يدريك انت ممكن تدعى على نفسك وانت لا تشعر فلأن الامور الدنيوية تحتل وجهين فكان الأفضل للإنسان يركز على الحاجات التى لا تحتل إلا وجه واحد ادعيلى أصلى مينفعش تبقى شر مش كده ادعيلى اخش الجنة ماهى ملهاش احتمالات تانية فلذلك التركيز على الدعاء فى أمور الآخرة أفضل وأولى .

التوسل الممنوع ثلاث أنواع أما أخطر الأنواع هو التوسل بدعاء المقصورين ودعاء الجن ودعاء الأنبياء لأنك تدعوهم هما أنفسهم انت تسألهم هم تقول اشفينى يا سيدى فلان انقذنى يا سيدى فلان مدد يا سيدى فلان فكلمه مدد هى دعاء لان كلمه مدد هى ايه طلب الاعانة المدد هو العون فكلمه مدد كلمه الناس بتستهتر بيها دى طلب هذا دعاء اسمه دعاء مدد يا سيدى فلان ده يعنى انقذنى ساعدنى ابعلى اعانه يا سيدى فلان فهذا شرك اكبر (الشرك) ده اكبر طبعا احنا (قلنا لكم) قبل كده ان مش معنى ان انا بقول شرك أكبر ان كل واحد بيعمله يبقى كافر فاكربين قولنا مش لازم ان الفعل يبقى كفر ان كل فاعل يبقى ايه كافر ليه ؟

حين تقبل عليك الدنيا دون حدود

فلا بد من تعلم التوحيد ولو بقدر محدود

لأن فيه أضرار تمنع من التكفير منها الجهل واحد قاعد يغنى أغنية محمد منير مثلاً مدد مدد مدد مدد يا رسول الله قد يدندن ولا فاهم أي حاجة مش عارف ان الكلمة اللي بيقولها دى شرك أكبر وهو لا يشعر فتفهمه فيقولك لا خلاص أنا فهمت لكن مش هينفع ان أنا اكفره مجرد ماغنى أغنية محمد منير ولا اكفر محمد منير نفسه لان الظن ان الناس دى بيقوا جهال لم يتعلموا العقيدة ولم يفهموا ما يجوز لله وما لا يجوز فى حق الله سبحانه وتعالى فممكن يكون الشخص أخطأ وقاعد وهو بيهزر كده مش واخذ باله مدد يام هاشم مش قاصد حاجه هو جات كده معاه اخطأ من شدة الفرح مثلاً او اخدته الجلالة كده ف راح قال كلمه وبعد كده قال مكنش قصدى ممكن يبقى اخطأ ..

ممكن يبقى ناسى نسي الحكم فيقول وهو ناسى الحكم خالص الناس قاعدين يتكلموا فراح هو لخط بالكلام مأخدتش باله انه قال كلمة شركية ف دى هيچلنا بالتفصيل بعد كده اللي هي أضرار التكفير بس أنا عايز اقولك ان مش معنى ان أنا أقول على حاجة كفر ان كل واحد بيعملها لازم يكون كافر ممكن يكون الشخص اللي بيعملها عنده عنر عنده تأويل فى واحد افتاله فتوى ثانية قاله لا على فكرة مدد دى مفهياش حاجه , جاهل , ناسى , عيل صغير بيتقول مدد يقول عليه كافر ؟ اصلا الصغير ليس عليه شيء يعنى ليس عليه تكليف ..

رفع القلم عن ثلاث عن النائم واحد وهو نائم قاعد وهو تحت البنج واحد صوفى تحت البنج قعد مدد مدد نعمل فيه ايه ده نكفره وهو بالبنج؟ ماهو الراجل مش حاسس هو بيقول ايه فممكن النوم يمنع .. فى ناس تحت البنج فعلاً قد تقول كلام كفر هو ده اللي جه معاه هو مش كده بس هو يمكن بيحلم بحاجة ولا شاف حاجة ولا بتاع فاقعد يقول كلام ايه مش كويس ف ده مياخدش اى احكام خالص

.. عن النائم حتى يستيقظ , عن الصبى حتى يحتلم , وعن المجنون حتى يفيق فالمجنون بردو ليس عليه كفر وليس له اجر وليس له وزر لذلك المجنون مهما عمل مياخدتش لا شيء لذلك من الخطأ دخل واحد مجنون المسجد يقولك اهو ايه مجنون ياخذله شوية حسنات ولا هياخذ حسنات ولا حاجه وليس عليه تكليف لا بياخذ حسنات ولا سيئات مفيش معنى انك انت تدخله تتركبنا المسجد واحد مجنون هو اصلا ليس عليه تكليف ولا سيوؤجر حتى ان صلى لانه لا يعقل من الصلاة شيء ,

إذا كان انت لو سرحت فى الصلاة ينقص أجرك مابالك لو كنت مجنون لا تفهم حتى معنى الصلاة اللى عايزين نقوله يعنى ان احنا مسألة التكفير دى هتجلنا بقى براحه لأن دى من أخطر المسائل اللى عمت فى هذا الزمان ..سرعه التكفير , التساهل فى التكفير ..ويترتب على التكفير بقى استحلال الدماء والأموال والمصايب كلها تمام ..فبالتى احنا نفهم قضية التكفير دي ايه الضابط بتاعها ..هل مفيش تكفير خالص لا فى تكفير ...هل نكفر أي حد ؟ لا مش أي حد ..لا فى ضوابط وهنتعلم بعد كده الضوابط دى ومين اللى يضع الضوابط دى ومين اللى يحكم الضوابط دى موجوده مش اى حد ده لازم العلماء هما اللى يتكلموا فى الموضوع ده مش انت اللى تقول لا ده مش جاهل لا ده مش ناسى لا انت لسه بتتعلم إنما يفعل ذلك أهل العلم الذين يفهمون ازاي حققوا المراد ده او ينزلو ازاي الأحكام دى على الواقع المعين فالمهم التوسل الممنوع الأول هو أن يدعوا الإنسان **المقهور** , النبي , **الجن** , الملائكة , قولنا ده شرك أكبر ممكن يخرج من الملة إذا فعله الإنسان وليس له أى عذر فهو كافر كفر أكبر

نمره اتنين فى التوسل الممنوع .. التوسل بالدعاء او بفعل **(القربات)** عند **نفسه** الصالحين وعند الاضرحة هو مش بيصرف العبادة **للمقهور** لا إنما هو يتعبد لله فقط يعنى هو كان هيدعى فى بيته قال نروح ندعى جيب قبر سيدى فلان أحسن ..فراح هناك عشان يقول الدعاء هناك أحسن فدى الوسيلة بتاعته واحنا قولنا الوسيلة هى تقريب الدعاء هو عاوز يخلى **(الدعاء)** أقرب إلی الله عمل ايه ؟ ساب المكان اللى هو فيه وراح عند الضريح او عند القبر ودعى ربنا هناك او قالك هروح **(أقرأ)** قرآن هناك أفضل أو أروح أصلي هناك أفضل هذا الفعل بدعة

ليه مقلناش شرك أكبر لانه مصرفش العبادة لغير الله فى الحقيقة مصرفش اى عباده لغير الله هو بيعبد ربنا بالفعل ولم يصرف عبادة لغير الله طب ليه قولنا ان ده بدعه والمسمى الأدق هنقول ده شرك أصغر هو ايه تعريف الشرك الأصغر يا إخوانى ؟ هو كل باب قد يوصل الى الشرك الأكبر اى باب ممكن لما يتطور يوصل بيبك للشرك الأكبر بنسميه ايه شرك أصغر طب انا النهارده بدعى ربنا عند قبر فلان ده فحصل ان ربنا استجابلى بعض الدعوات , الشيطان هيزينلى بقى **للمقهور** نفسه يقولك شوفت بركات سيدك فلان وشوفت وشوفت وشوفت يمكن بقى بعد كده اروح ادرش معاه شوية ..

المرّة اللّی بعدیها اتکلم وادعی اواحکی معاه شویه وبعد کده هدعیه هو وبعد کده مش هحتاج اروح لا ده انا هدعیه ف البيت ماهو بیسمع کل حاجه وبیشوف کل حاجه وده سیدنا ده معدی وده الطالب الغالب ومش هتعرف تهرب منه والموضوع یخش معاک فی شرک أكبر یبقی انا لما أعمل العبادة (عنده) طبعاً الشیطان هیزینها لك هیخلیک العبادة حلوة اووی عند المكان دوت هیسبلك الروحانیات علی الآخر .. هیحاول یعکر علیک ای عمل فی السنّة زی ممکن تجد البعض یقولک ایه مابلقیش قلبی فی الصلاه .. هو فی منازعه .. فی شیطان یحاربک انت عایز تلتزم کده بالساهل .. انت عایز بعد العمر ده کله تسبیبه کده بالساهل ده مش هیسیبک ده هیطنطتلك یقولک انا مکنتش بوسوس قبل ما إلتزام کنت بتوضی عادی کنت بصلی عادی اول مالتزمت وسأوس فی الوضوء ووسأوس فی الصلاة ووسأوس فی الغسل بتوضی مية مرة مع انی مکنتش کده هو الإلتزام هو السبب ده ولا ایه ایوة ماهو انت اصلاً کنت بتتوضی غلط یعنی هو مکنش عنده مشکلة یوسوسلك فی الوضوء لان وضوءک مکنش مقبول تقرباً .. والصلاة بتاعتک کانت نقر دیک فمکنش بیوسوسلك یعنی انت کنت بتصلی وفی نفس الوقت بتزنی وتشرب خمر یعنی هو شایف الصلاة مش بتفیدک ف حاجة فمش هیعطلك یعنی بل علی العکس هو یسیبک تصلی لحسن تفوق ماهو لو سبت الصلاة کمان یمکن تفوق فیخدعک یقولک خلی بالک انت بتصلی یعنی انت أحسن من غیرک اه انت بتزنی وتشرب خمره بس انت بتصلی ماهو لوجالك علی الصلاة کمان یمکن تتوب منه مرة واحدة لکن هو لازم یسبک حته کده وحته مش هتفیدک اووی لان الصلاة دی لو کانت تمام کانت نهتک عن المنکر " إِنَّ الصَّلَاةَ تَنْهَى عَنِ الْفَحْشَاءِ وَالْمُنْكَرِ " فالشیطان بردو فقیه یعرف یسبک ایه ویأخذ ایه میحاولش یوصل اووی لدرجه انک تفوق منه لا هو یاخذ وانت متحسش طول مانت مش حاسس یاخذ اول ماتحس یسیب عشان یفضل یطول یسیب شویة ماهو هیأخذ بعد کده بس مش هیأخذ منک الا وانت مش حاسس یاخذ یاخذ یاخذ وانت لسه بتظن انک انت الحمد لله ده احنا مبنعملش حاجة غلط خلاص ما تقرباً مافضلش حاجه صح بتعملها یعنی

.. لکن لما انت التزمت بقی وبطلت کل حاجه وصلاتک بقی فیها تركیز وبتأثر علی عبادتک وبتأثر علی أخلاقک مش هیسیبک هیطلعک فی الصلاة طب انا إلتزمت بس هروح أصلی عند القمیور هیسبک علی الآخر ویخلی (الروحانیات) تشتی علیک تجد البعض یقولک بص انا بصلی فی مسجد مبحسش بحاجة أروح بقی الحضرة دی بص مقولکش روحانیات

ايه ده هناك بتحس بخشوع غير عادى نقول هذا من تلبيس إبليس هذا كخشوع من يسمعون الغناء والموسيقى ويرقصون ويطربون وتجد واحد فعلا يتوه مع الموسيقى والغناء هذا من فعل إبليس يخليك تتوه كده لكن هذا ليس هو **الخشوع المرضي** عند الله سبحانه وتعالى هذا **سكر** اشبه بالسكر لكن السكر يشبه الخشوع فى بعض المظاهر يعنى .. اللي عايز اقله إن الإنسان لا ينخدع إن الشيطان لو شافك **إلتزمت** التزام فيه باب شرك زى التزام الصوفية والتزام بتوع **القيس** دول هيسيبك طبعاً لأنك هو انت عملت معاه واجب جامد جدا هو كان اخره معاك شوية معاصى انت دلوقتى دخلت فى الشراكيات ده انت سكتك سالكة ده هو عشان يوصل الزنى ده لشرك دى كانت مشكلة كبيرة صح لكن انت دخلت على **القيس** على طول يعنى الموضوع قرب معاه ان انت تدعى الميت ده بقى ويخلص منك وخلاص فهو عاوز الشرك مش فارق معاه تزنى تشرب **(عنده)** استعداد انك تكون بتصوم وبتصلى وبتحج بيت ربنا كل سنة بس بنقول مدد ياسيدى فلان بس شكرا هو مش عايز اكثر من كده دى توفر عليه سكة طويلة اوى كان هيقعد بقى عاوز يجيب الشهوات من أولها لآخرها عشان يوصلك لى لكن ان نطيت نطه كبيرة اوى المهم ان الانسان يفهم التوسل **(الممنوع)** التانى ده وهو التوسل بعمل الصالحات عند **القيس** الصالحين هل ده كفر أكبر لا انما هو شرك أصغر لأنه ممكن يؤدى بعد بعض الوقت الى شرك أكبر فلذلك العبادات تفعل فى اى مكان الا ايه الفرق ان انت تقرأ قرآن عند القبر وفى بيتك حتى لو عايز تهديه **القيس** على قول من يجوز ذلك ايه الفرق مش لازم تروح تقرأ عنده اقرأ فى بيتك واهديه الثواب ده لو انت عاوز تهديه له ايه الفرق بين انك انت تدعى ربنا عند القبر او فى بيتك سواء يبقى ايه اللي يخليك تتمشور وتروح هناك يبقى التوسل التانى فعل **القروبات** عند **القيس** .

التوسل التالت ده بقى وسط ما بينهم احنا قولنا الشرك الأكبر الشرك الأصغر اللي جاى ده بقى هنتكلم فيه وهو التوسل بجاه الأنبياء او بجاه الصالحين يعنى ايه التوسل ده يعنى وانا بدعى اقول يارب بجاه النبي اعملى كذا او يارب بجاه فلان اعملى كذا بحق فلان اعملى كذا بحق النبي اعملى كذا .. هذا التوسل ما حكمه هنا فى البداية ذكر ان حكمه هو من البدع المنكره يعنى حرمه برضو لأنه بدعة لأن الله سبحانه وتعالى قال " **وَأَنْ لَّيْسَ لِلْإِنْسَانِ إِلَّا مَا سَأَلَ** " وقال الله

" **قُلْ إِنَّ اللَّهَ آذِنَ لَكُمْ أَمْ عَلَى اللَّهِ تَفْتَرُونَ** "

قال ولان جاء الصالحين ومكانتهم انما تنفعهم هم ولا تنفع غيرهم , هو راجل صالح انا انتفع بيه بايه واما للانسان الا ماسعى يبقى انا هاخذ صلاحك ليه انتفع بيه صلاحك نفعتك انت لكن تنفعنى انا ليه ؟ متنفعنش لان انا مكنش ليا دور فى هذا الصلاح بيقول وما كان هذا التوسل معروفا عند الصحابة ولم (يكونوا) يفعلون ذلك وقد نص على المنع منه وتحريمه غير واحد من اهل العلم ثم قال ابو حنيفة رحمه الله ذكر ان يقول الداعي أسالك بحق فلان او بأوليائك ورسولك او بحق البيت الحرام والمشعر الحرام خلينا نمشى وراء الكتاب وهو ده الراجح اللى مذكور فى الكتاب هو الراجح لكن انا فى اخر الباب سأذكر لكم شيء من التفصيل من باب الأمانة العلمية لكن الراجح فعلا ما ذكره هنا ان هذا الأمر لا يجوز ان يتوسل بجاه النبي عليه الصلاة والسلام او بجاه أحد الصالحين .. هو هيقول هنا بعض الشبهات في قضية التوسل بالجاه .. أورد الجاهلين في القضية دي شبهات بتدور حوالين احاديث ضعيفة او (أحاديث) صحيحة اتفهمت غلط هيقولنا احاديث موضوعة مشهورة هي دي الناس بتستدل بيها في الموضوع ده ، اولها حديث " توسلوا بجاهي فان جاهي عند الله عظيم " قال الحديث ده باطل ولا يوجد في اي كتاب من كتب الحديث وهو لم يرويه احد من العلماء ، الحديث الثاني " اذا اعيتكم الأمور فعليكم بأهل القبور " هذا حديث باطل موضوع ليس له أصل في الدين ونحن لا نتعبد بالأحاديث الباطلة يقول هو حديث مكذوب مفترى علي النبي عليه الصلاة والسلام ، الحديث الثالث " لو أحسن أحدكم ظنه بحجر لنفعه " نقول ده حديث باطل مناقض لدين الإسلام ووضعه بعض المشركين

القصة المشهورة لبائع البلح كتب حديث علي العربية و كان جنبه بتاع سمك وهو أصلا مكنش بيبيع حاجه فقال "قال رسول الله من أكل سمك فليبلح" فشتغل زي الفل فكل الي يجيب سمك يعدي عليه يجيب بلح و اشتغل زي الفل بس إيه من كذب علي متعمداً فليقعده مقعداً من النار ، الحديث الرابع ده مشهور وبيتقال علي المنابر " لما اقترف آدم الخطيئة قال يارب اسألك بحق محمد (لم) غفرت لي قال يا آدم وكيف عرفت محمد ولم اخلقه قال يا رب لما خلقتني بيدك ونفخت فيا من روحك رفعت رأسي ورأيت علي قوائم العرش مكتوباً لا إله إلا الله محمد رسول الله فعلمت أنك لم تضيف إلي اسمك إلا أحب الخلق اليك فقال غفرت لك ولولا محمد ما خلقتك " هذا غلو شديد في النبي عليه الصلاة والسلام نعم هو افضل من آدم عليه السلام بلا شك وهم من المنزلة العالية بلا شك عند الله سبحانه وتعالى لكن الله لم يخلق آدم لأجل محمد عليه الصلاة والسلام "

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ " انما خلقه **(الحكمة)** ما
 " وَإِذْ قَالَ رَبُّكَ لِلْمَلَأِكَةِ إِنِّي جَاعِلٌ فِي الْأَرْضِ خَلِيفَةً قَالُوا أَتَجْعَلُ فِيهَا مَن يُفْسِدُ فِيهَا وَيَسْفِكُ
 الدِّمَاءَ وَنَحْنُ نُسَبِّحُ بِحَمْدِكَ وَنُقَدِّسُ لَكَ "

لم يقل هذا من أجل محمد قال " قَالَ إِنِّي أَعْلَمُ مَا لَا تَعْلَمُونَ " يعني انا أعلم لماذا خلقت هذا
 الصنف الادمي انما خلقتهم ليعبدني الناس برغبتهم

انتم ايها الملائكة تعبدوني رغم عنكم الشاهد ان الحديث ده باطل ومنها احاديث فيها غلو
 للنبي عليه الصلاة والسلام ان النبي عليه الصلاة والسلام مثلاً مخلوق من نور .. لو
 الحديث دا اتفهم منه انه بجاه النبي عليه الصلاة والسلام ايه اللي يخليه ينتقل الي
 التوسل بالعباس طب بجاه النبي مش هيفرق ميت او حي فايه اللي يخليه يقول إنا نتوسل
 بعم نبيك طب مكان يتوسل بالنبي برضو عادي يعني كونه انتقل للعباس يبقي ده دل ان
 التوسل ده مات بموت النبي عليه الصلاة والسلام ثم ان العباس كان بيقوله كده كان
 بيقوم يدعي كان العباس يقوم يدعي فعلاً فاذاً المعني هنا كنا نتوسل بنبي يعني بدعاء
 نبيك وانا الآن نتوسل بعم نبيك يعني بدعاء عم نبيك والا لو كان هناك فرق بالجاه ما كان
 هناك فرق بين النبي عليه الصلاة والسلام وبين مماته ولم يثبت عن
 الصحابه انهم توسلوا بجاه النبي عليه الصلاة والسلام بعد موته ولا
 بجاه أحد بعد النبي عليه الصلاة والسلام فالحديث ده ليس فيه دليل علي
 جواز التوسل ..

تذكر ليست العبرة بمن
 سبق ولكن العبرة بمن
 صدق

الحديث اللي جاي ده حديث مهم جداً حديث صحيح حديث عثمان ابن
 حنيف ان رجلاً ضرير البصر أتى الي النبي عليه الصلاة والسلام قال
 ادع الله ان يعفيني قال لو شئت دعوت وإن **(شئت)** فصبرت فهو خيراً لك "نفس الكلام
 الذي قاله في المرأة التي **(تصرع)** هو بيخيره في أمر دنيوي قاله الأفضل تصبر بس لو
 عايزني ادعيلك عادي يجوز قال فادع (معلش مش قادر اصبر ادعي ربنا علشان مش
 قادر اصبر علي العمي ده) فأمره ان يتوضي فيحسن الوضوء ويدع بهذا الدعاء اللهم اني
 اسالك واتوجه اليك بنبيك محمد نبي الرحمة اني توجهت بك الي ربي في حاجتي هذه
 لتقضي اللهم فشفعه فيا" هنا برضو الحديث ظاهره جواز التوسل بالنبي عليه الصلاة
 والسلام لكن نفس الكلام هو نفس القضية هو الراجل الضرير ده **(جاء)** للنبي عليه الصلاة

والسلام قاله في الأول ادعو الله ان يعافني فالنبي قاله لو شئت صبرت وإن شئت دعوت لك قال فادع فقال له روح قول الكلمتين دوله مقصود اللهم اني توجهت اليك بنبيك

(يعني بدعاء نبيك برضو مش بجاه نبيك يعني هو بيقول يارب استجب دعاء النبي فيا لذلك قال فشفعه فيا) فسياق الحديث اللي ياخذ الحديث الجزء دا بس يفتكر ان ده توسل بالجاه لكن الحقيقة هو ليس توسل بالجاه إنما توسل بدعاء النبي عليه الصلاة والسلام وإلا لو كان التوسل بالجاه مكنش جاء الراجل ده للنبي عليه الصلاة أصلاً ولا يحتاج يتمشور المشوره دي مكان في بيتهم ويقول الكلمتين دول وخلاص لكن جاله وقاله ادعيه وقاله لو عايزني ادعيلك هدعيلك قاله طيب قول الكلمتين دول (ما هي) لو هي كده كان قاله مش هدعيلك وقول الكلمتين دول هو قاله هدعيلك وقول الكلمتين دول .. حته هقلهاكم للأمانه العلمية عثمان ابن حنيف صحابي ،

فيه رواية ثانية في الحديث ده ليها مقدمة قبل القصة دي المقدمة دي ان عثمان ابن حنيف جاءه رجل في زمن عثمان ابن عفان، عثمان ابن حنيف قال للراجل ده مالك شيفك مهموم قاله مش عارف أقابل عثمان ابن عفان كل لما أحاول ادخله مش عارف في زحمة وعايز اقبله فقال عثمان ابن حنيف للرجل افعل ما أمرك به توضاً وضوءك للصلاة ثم قل وذكر له هذا الدعاء اللهم إني أسألك واتوجه اليك بنبيك محمد نبي الرحمة إني توجهت بك إلي ربي في حاجتي هذه لتقضي اللهم فشفعه فيا وشفعني فيه قال فذهب الي عثمان فستقضي حاجتك فتوضاً الرجل وقال هذا الدعاء ثم دخل علي عثمان فقضيت حاجته ده دليل قوي جداً للي هيقول التوسل بالجاه لأن مفيش دعاء النبي عليه الصلاة والسلام مات وهو هنا بيقول بنبيك مش زي العباس يبقي دي مش هتحتمل إلا الجاه بس مينفعش ده يكون توسل بالدعاء لأن النبي مات وهو في زمن عثمان دلوقتي طيب الدليل ده مدام دليل قوي كده امال ليه بنقله هنا في المسألة لأن الزيادة دي في الحديث ضعيفة علي الراجح يعني تصحيح الحديث ده فيه خلاف بين أهل العلم الجزئية دي في الحديث بتاعت عثمان مع الراجل ده فيها خلاف بين أهل العلم البعض صححها والبعض ضعفها اللي ضعفها كده معندهوش أي دليل علي جواز التوسل بالنبي عليه الصلاة والسلام فضلاً عن الصالحين هيقول التوسل بالصالحين وبالنبي عليه الصلاة والسلام بدعة ، اللي صححها هيبيقي ليه حجه فعلاً ومتقدرش ترد علي الحجه دي وهيقول ان يجوز التوسل بجاه النبي عليه الصلاة والسلام وممكن البعض يزود ويقول بجواز التوسل بالصالحين كمان لذلك بنقول المسألة دي بالذات

فيها خلاف فعلاً بين أهل العلم مش زي الحاجتين اللي فاتوا انا قلتكم التوسل ٣ درجات واحده كانت شرك أكبر الثانية شرك اصغر الثالثة بدعة علي الراجح لكن فيها خلاف بين اهل العلم يعني في علماء قالوا يجوز ..

العز بن عبد السلام يقول يجوز التوسل بالنبي عليه الصلاة والسلام الإمام الشوكاني رحمه الله يجوز التوسل بالنبي عليه الصلاة والسلام والصالحين ينفع تقول يارب بحق فلان افعل كذا بسبب الزيادة دي في الحديث الحته دي صححها الامام الطبراني لذلك اللي اخذ بالتصحيح ده هيبقي ليه حجه اللي مأخذش بالحجه دي [\(والراجح\)](#) ان هي ضعيفة في الحقيقة زي الشيخ ابن تيمية ضعف الرواية دي وبالتالي لم يوافق اللي اجازوا التوسل بالنبي عليه الصلاة والسلام احنا بنقول واللي ادينه بيه الله ان الرواية دي ضعيفة وان التوسل بجاه النبي عليه الصلاة والسلام وبجاه الصالحين بدعة علي الراجح لكن ايه الفرق بين ان انا اقول المسألة فيها خلاف والمسألة مفهائش خلاف تفرق في حاجه واحدة بس تفرق في تعاملي مع المخالف يعني لو انا شوفت واحد بيتوسل بجاه النبي عليه الصلاة والسلام وبيقولد عالم في الموضوع ده هشتد عليه اولي في الانكار ولا الموضوع فيه لين شويه هيبقي في الهادي لان المسألة فيها خلاف غير واحد بيقول مدد غير اللي بيدعي ربنا عند القبر ده هشد عليه لأن دي مسأله مفهائش خلاف لكن لو لقيت واحد بتوسل بجاه فلان او بجاه النبي عليه الصلاة والسلام أنا عارف ان الكلام ده واخذه من علماء العز بن عبد السلام الشوكاني وهو قول عند الإمام أحمد ..

انا بنقلكم ده للأمانه العلمية لكن احنا المفترض نبتعد خروجاً من الخلاف خروجاً من القضية دي ، احنا لو زودنا حاجة واحدة هنعولها الي شئ متفق عليه بدل ما تقول اللهم أسألك بنبيك قول الكلمة دي اللهم اني أسألك بحبي لنبيك خلصت كده .. كده محدش يقدر يقولك تلت التلاته كام لأن انت بتتوسل بعمل صالح ده توسل صحيح لان ده توسل بعمل صالح زي " رَبَّنَا ءَامِنًا بِمَا أُنزِلَتْ وَاتَّبِعْنَا الرَّسُولَ فَاكْتُبْنَا "

المطلب السابع الغلو : تعريف الغلو هو مجاوزة الحد بان يزيد في حمد الشئ او ذمه علي ما يستحق وفي الشرع هو مجاوزة حدود ما شرع الله لعباده سواء في العقيدة أو في العبادة ما حكم الغلو ؟ حرام لما جاء في النصوص من النهي عنه والتحذير منه وبيان سوء عواقب الغلو علي اهله في العاجل ولكن قال تعالى لأهل الكتاب

"يَا أَهْلَ الْكِتَابِ لَا تَغْلُوا فِي دِينِكُمْ وَلَا تَقُولُوا عَلَى اللَّهِ إِلَّا الْحَقَّ إِنَّمَا الْمَسِيحُ عِيسَى ابْنُ مَرْيَمَ رَسُولُ اللَّهِ وَكَلِمَتُهُ أُلْفَهَا إِلَى مَرْيَمَ وَرُوحٌ مِّنْهُ فَآمِنُوا بِاللَّهِ وَرُسُلِهِ وَلَا تَقُولُوا ثَلَاثَةٌ انْتَهُوا خَيْرًا لَّكُمْ إِنَّمَا اللَّهُ إِلَهٌ وَحْدٌ سُبْحَنَهُ أَنْ يَكُونَ لَهُ وَلَدٌ لَهُ مَا فِي السَّمَوَاتِ وَمَا فِي الْأَرْضِ وَكَفَى بِاللَّهِ وَكِيلًا (١٧١) لَنْ يَسْتَنْكِفَ الْمَسِيحُ أَنْ يَكُونَ عَبْدًا لِلَّهِ وَلَا الْمَلَائِكَةُ الْمُقَرَّبُونَ "

لذلك بعض النصاري يجو علي المسلمين الغلبة اللي مش فاهمين حاجة بيقلوا ده القرآن بيثبت الوهيه المسيح عندكم في سوره النساء

" إِنَّمَا الْمَسِيحُ عِيسَى ابْنُ مَرْيَمَ رَسُولُ اللَّهِ وَكَلِمَتُهُ أُلْفَهَا إِلَى مَرْيَمَ وَرُوحٌ مِّنْهُ " ادي القرآن بيدل علي ألوهيه المسيح وتلاقي المسلم اتكعبل بقي هو بس لو كان رجع كلمتين وراء او كلمتين قدام هيفهم كل حاجة هي اول الايه " {يَا أَهْلَ الْكِتَابِ لَا تَغْلُوا فِي دِينِكُمْ وَلَا تَقُولُوا عَلَى اللَّهِ إِلَّا الْحَقَّ إِنَّمَا الْمَسِيحُ عِيسَى ابْنُ مَرْيَمَ رَسُولُ اللَّهِ وَكَلِمَتُهُ أُلْفَهَا إِلَى مَرْيَمَ وَرُوحٌ مِّنْهُ فَآمِنُوا بِاللَّهِ وَرُسُلِهِ وَلَا تَقُولُوا ثَلَاثَةٌ انْتَهُوا خَيْرًا لَّكُمْ " زي اللي بيقلوا مينفعش تقول علي النصاري كفار لان ربنا بيقول " **لكم دينكم ولي دين** " طيب هي أول السورة ايه ؟ قل يا أيها الكافرون ، السورة اسمها الكافرون اصلاً فلازم نفهم ديننا صح .. عن ابن **(عباس)** ان النبي عليه الصلاة والسلام قال " **وإياكم والغلو فانما هلك من كان قبلكم في الغلو في الدين** " **هل هلك اليهود والنصاري الا بالغو في الدين ، قال عليه الصلاة والسلام " هلك المتتبعون "** وعن عمر رضي الله عنه قال النبي عليه الصلاة والسلام " لا **(تطروني)** كما **(أطرت)** النصاري ابن مريم انما أنا عبد فقولوا عبد الله ورسوله عليه الصلاة والسلام " فالمراد الانسان لا ينبغي ان يبالغ في مدح النبي عليه الصلاة والسلام حتي لا يقع فيما وقع فيه النصاري من اعتقاد صفات الرب فيه بانه يجيب الداعي او انه يدبر الامر او انه يجلب النفع او يدفع الضر كما **يعتقد** النصاري في المسيح ، المسيح الموضوع **(تطور)** معاهم لدرجة ان الله هو المسيح ابن مريم لذلك قصائد المديح في النبي عليه الصلاة والسلام ينبغي ان نشدد عليها لان كثير منها يقع في غلو للغاية والناس بتكون مش فاهمه وبتقعد تدندن ومش فاهمين هما بيقلوا ايه وهذا الكلام لو سمعه النبي عليه الصلاة والسلام لاستنكر هذا الكلام للغاية كلام شنيع لا يمكن ان يقبله احد يؤمن بالله وبرسوله عليه الصلاة والسلام وهذا موجود في اشياء مشهورة زي مثلاً البردة المشهورة اللي ديماً بتتشد في مولد النبي عليه الصلاة والسلام او في رأس السنه او في الاسراء والمعراج وغير ذلك دا كلام لا يحتمل مثلاً من ذلك قوله في البردة قال مالي من الودُّ به سواك عند حصول الحادث العممي

قصده النبي عليه الصلاة والسلام وفي بيت من الابيات قال من جودك الدنيا وضرتها (الاخره) ومن علومك علم اللوح والقلمي يعني اذاً النبي عليه الصلاة والسلام يعرف كل شئ ما كان سيكون يعرف علم الله سبحانه وتعالى فأى قصيدة مدح للنبي عليه الصلاة والسلام اقرءها كويس قبل ما تقولها او اعرضها علي حد ،

حتي قمر سيدنا النبي دي مليانه حاجات غريبه صعبه جداً هي مطلعها مفيهاش مشكلة لكن لما تتوغل في الكلمات هتلاقي حاجات صعبة فيها كلام مخالف تماماً لما يحبه النبي عليه الصلاة والسلام فالمبالغة في مدح النبي عليه الصلاة والسلام خطر شديد لأنه قد يؤدي الي ما وقعت فيه النصاري من عبادة المسيح عليه السلام الشاهد ان النبي عليه الصلاة والسلام في الأمور دي كان حريص فيها علي تجريد التوحيد وحماية جنابة التوحيد لأن النبي عليه الصلاة والسلام علم ما فعلته الامم وأين كانت سقطتهم ومن أين وقع لها الشرك فحذرنا عليه الصلاة والسلام من كل هذا لأن الغلو هو السبب ، واول شرك وقع في الارض في عهد نوح ..

قال عباس كان بين آدم وبين نوح ١٠٠٠ عام في التوحيد يعني كانت الأرض من آدم الي نوح مفيش واحد أشرك بالله وظهر الشرك لما مات (يغوث) (ويعوق) (ونسرا) وهؤلاء الصالحين قال ابن عباس كانوا ناس صالحين فعلاً وماتوا في قوم نوح فأوحى الشيطان اليهم انصبوا لهم تماثيل افتكروهم بها وبعد كده هلك هذا الجيل وجه الجيل اللي بعده الناس دي كانوا بيدعوا ربنا هنا بعد كده (أوحى لهم) ان الناس كانوا بيتعبدوا هنا فراحوا يتعبدوا هنا بعد كده عشرات السنين عدت الشيطان قالهم آباءكم وأجدادكم كانوا يطلبون من هؤلاء لأنهم يقربونهم الي الله زلفي فعبدوهم فكان أول شرك يقع علي ظهر الأرض بسبب الغلو وعبادة الله عند القصور

وده الي هيجي في الباب القادم كيف وقع الشرك ؟!

أقول قولي هذا وأستغفر الله لي ولكم.

لا تبالي بالصعاب أنت في ركب المعالي

انتهى الدرس ٧